

Broj: 07-13-2-145-1/24
Mostar, 27.1.2025. godine

Na osnovu člana 59. stav (4) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 82/23) i člana 14. stav (3) Pravilnika o metodologiji utvrđivanja maksimalnih vrijednosti garantovanih otkupnih cijena, zamjenske tržišne cijene i graničnih vrijednosti fiksnih premija („Službene novine Federaciji BiH“ broj 30/24), Regulatorna komisija za energiju u Federaciji Bosne i Hercegovine – FERK je na II redovnoj sjednici održanoj u Mostaru 27.1.2025. godine, donijela

ODLUKU

Član 1.

Zamjenska tržišna cijena električne energije za mjesec februar 2025. godine iznosi 0,253105 KM/kWh (25,3105 feninga/kWh).

Član 2.

Cijena iz člana 1. ove odluke je utvrđena kao ponder ostvarene cijene trgovine električnom energijom u Federaciji Bosne i Hercegovine iz mjeseca decembra 2024. godine imaoca FERK-ove dozvole za obavljanje djelatnosti snabdijevanja i trgovine električnom energijom.

Član 3.

Ova odluka stupa na snagu danom donošenja i objavljuje se na službenoj internet stranici FERK-a, a dispozitiv ove odluke i u „Službenim novinama Federacije BiH“.

O b r a z l o ž e n j e

Članom 3. stav (1) tačka ccc) Zakona o korištenju obnovljivih izvora energije i efikasne kogeneracije propisano je da zamjenska tržišna cijena označava cijenu, po kojoj privilegovani proizvođač električne energije iz obnovljivih izvora energije i efikasne kogeneracije, koji je ostvario pravo na poticaj na osnovu premije utvrđene procesom aukcije (za velika postrojenja), prodaje električnu energiju Operatoru za obnovljive izvore energije i efikasnu kogeneraciju do uspostave organizovanog dan unaprijed tržišta električne energije, dok je članom 42. stav (9) istog Zakona propisano da se zamjenska tržišna cijena utvrđuje na mjesečnom nivou. U skladu sa članom 59. stav (1) navedenog Zakona do uspostave organizovanog tržišta električne energije za dan unaprijed privilegovani proizvođači koji imaju pravo na poticaj na osnovu premije utvrđene procesom aukcije za velika postrojenja, mogu uz to pravo da ostvare i pravo na otkup proizvedene električne energije po zamjenskoj tržišnoj cijeni. Ukoliko je zamjenska tržišna cijena veća od gornje granične otkupne cijene, otkup proizvedene električne energije se vrši po gornjoj graničnoj

otkupnoj cijeni. Na osnovu člana 59. stav (4) Zakona FERK utvrđuje zamjensku tržišnu cijenu do uspostave organizovanog tržišta električne energije za dan unaprijed.

U vezi sa navedenim članom 14. Pravilnika o metodologiji utvrđivanja maksimalnih vrijednosti garantovanih otkupnih cijena, zamjenske tržišne cijene i graničnih vrijednosti fiksnih premija propisano je da se zamjenska tržišna cijena utvrđuje kao ponder ostvarene cijene trgovine električnom energijom u Federaciji Bosne i Hercegovine iz prethodnog mjeseca imaoca FERK-ove dozvole za obavljanje djelatnosti snabdijevanja i trgovine električnom energijom, pri čemu se kao osnov za utvrđivanje ponderirane ostvarene cijene trgovine električnom energijom uzimaju podaci, koje su imaoци dozvola obavezni dostavljati FERK-u u skladu sa važećim Pravilnikom o izvještavanju. Propisano je i da se zamjenska tržišna cijena utvrđuje na mjesečnom nivou, do kraja tekućeg mjeseca za prethodni mjesec i istu utvrđuje FERK do uspostave organizovanog tržišta električne energije za dan unaprijed.

Slijedeći navedeno, FERK je utvrdio zamjensku tržišnu cijenu električne energije za mjesec februar 2025. godine kao ponder ostvarene cijene trgovine električnom energijom u Federaciji Bosne i Hercegovine iz mjeseca decembra 2024. godine imaoca FERK-ove dozvole za obavljanje djelatnosti snabdijevanja i trgovine električnom energijom, koja iznosi 0,253105 KM/kWh.

Na osnovu svega naprijed navedenog, odlučeno je kao u dispozitivu odluke.

PREDSJEDAVALA FERK-a
Sanela Pokrajčić, s.r.